

水陽青映平旦頓飲之則身有青玉之光口吐紫烟上昇上清唾地成丹砂八石以鐵器熬鉛一斤水銀二兩使極沸以琅玕華升一鉢投之食頃立成真銀以鐵器熬鉛一斤水銀五兩使極沸以琅玕華升三鉢投之食頃立成紫金銀成以百斤投東流水中各作一餅今重五十斤臨水呪曰

天河織女地川水伯太丹成華像鍊魄長去地上昇為帝客奉寶兩壁以鎮源澤祝畢徑還勿顧欲種神樹當在名山之陰為培離其四面勿使人獸之迹交行垣上也

皇天上清後聖君自少學道所受施行秘要得為金闕之帝者也五老上真太極左僊公上啓撰集為靈書紫文命付方諸東宮青童大君使下教刻錄玄名當為真人者此太上之祕言後聖之紫文矣四極明科聖君之法聽七百年內得三傳而已若百年之內有二人可授者授之要以七百年內傳三人為誓過限年滿皆不得復出傳授之時對齋七日而後奉付之焉上靈真官玉女玉童各十人

侍書衛文符監察得失刺吉功過夫學僊者明慎其始矣法當立盟啓質為不泄之約其傳聖君列紀行服精吞霞受開明陰生及天

皇象符及拘魂制魄上經跪有經之師白絹四十尺銀鍊二雙素絲四兩以代歃血之誓為閉秘不宣之信其受琅玕華丹神真上經法當跪有經之師金龍玉魚以代刻身石誓不瀉之盟

古之上皇皆保貴神書仿其輕泄所以重曉玄誓期之勿泄示其篤誠明其根始也其不泰科條泄閉後聖紫文列紀者三祖父母生則獲罪於水火死則受考於三官身沒為下鬼削除僊簡捷北溟之石副之太山汲西津之水致之東海子其慎哉藥物皆用古稱唯今精上也

青童君諱梵涓每八節日存之玉君曰金龍玉魚之誓俗希其物復不可閉經過期而不授也已上啓以青布三十尺准盟青者精其心也布者布其誠也
太微靈書紫文琅玕華丹神真上經

玉景九天金霄威神王祝太元上經 果四
凡有宿命應得此文者皆當盟投割血為約信誓九天然後傳之依

太上西靈之科聽二千二百年中得傳三人玉景上元太虎符者是九天金霄威神王之內靈合曜二景之寶文也道妙極真悉交上元玉皇所寶衆帝所尊佩之者役景精升九晨滅鬼魔制萬神見其文者皆有真仙之捷延七世之福慶也若遭遇師匠啓授之後長齋苦寂不交風塵者乃可帶豁落神符威祝內靈流煥太虛感揮三清者耳

於是神仙伏拜函試滅跡兆命長延於密慎監者看視功過之所履太上恒以西靈大甲七千萬人神虎七千給衛景精中王侍文於太元西瑤臺焉
景精中王者太上金霄威神王之內名也能知威神王之名者則天下鬼神無不伏諾於兆也此之神王則是玉精天元之上靈神虎金霄之威真也是故佩其文則六天威度兼其符則三官來臣禮其室則玉華促詣說其

祝則神虎開津威落八虛靈洞九晨集該群
魔奮躍大奸山嶽稽精河海伏源嘯咆十方
役命神仙壽同三光威曜太元斯誠上清之
奇文景精之威章也


凡授此神文必當審擇其人宿契冥會果分
神仙者然後請太師口命法師保舉經師告
盟求神靈之符應格感氣之妙悟詳察微兆
以決會動之機要也若不奉太師之命又不
承法師之保舉而妄傳以為盟者雖遇其仙
之擬玉名之重兆之七祖猶見考於冥科也
是故不盟而授者經師當死竟殺於水官第
子獲天火之考盟而不跪者經師滅於苦道
弟子受鬼魔之化所以崇盟信誓不輕泄也
是以水火為異天之罰九魔為苦毒之梁鬼
罰胎零長考太幽雖優游洞宅乞請帝靈然
萬遍不開其罪陳願不聞其辭七玄長考於
地獄焉神仙之可期天科告驗兆慎之哉
若欲驅除六天之鬼靈攝伐凶邪之毒炁及
當破誅符廟者兆秘行威神王太祝之法先
叩齒三十六通因存景精中王從我六合洞

房官中出於面前對兆之鼻上令去鼻一寸
景精中王形長七寸素華展冠上下皆着素
錦衣裳口吐金真之炁鬱鬱然如白雲之狀
令白雲之氣流扇四方之內皆冠匝兆身而
前行也又存白煙之中忽有朱精顯煥飛光
激揚如流星之狀於倏欵又變成數百神虎
奮躍前驅即已摧裂向所捕之鬼賊也畢乃
祝曰

太上明威 金霄內真 景精中王 放炁攝神
幽寥備宅 上帝司臣 景煙流曜 洞合九天
威文朗發 神虎開津 靈雲鬱藹 朱精虛扇
七化文人 九霄揮真 敢當吾者 骸裂邪身
凶試伏妖 奸毒摧泯 萬魔一滅 雙景合鎮
俱與威王 上升帝晨 太元奇逸 保我利貞
祝畢又叩齒三十六通然後可以誅伐符魔
制伏萬神炁滂寒靈攝伏六天於是千妖萬
毒皆已自滅於未祝之前也
此威王之祝既已妙重又是高真所寶其文
皆藏於九天玉清之上太元西靈之臺寶禁
之科不傳於世自非金名羽籍玄慶盈溢者

永不見威王之大法也唯位登高仙為上清
之公卿及帝晨之賓者乃得帶佩此符耳兆
但行大祝之始則高元列營上帝舞霄金真
迅卒景精攝察玄龍吐毒神虎右號誅滅萬
魔叱斬千妖六天為之摧落山嶽為之啓朝
玉華詣寢紫童迴蓋天皇助威九霄玄泰凶
毒寒消水征火伐千億丘蕩八虛浪豁於是
神安炁調無注無滯金景齊晨靈仙合契奉
我神符玄福萬世

玉景九天金霄威神王太元上經大虎符




兆若經履急難及有驚畏心震之地者但密呼景精中玉名三過心念其神如有管護我之左右者則千災萬禍無不蒙濟好試滅凶妖毒皆亡又臨卧常叩齒二七過并祝念神名令人魂魄保鎮尸鬼受閉又除惡夢去不祥夫傳授此文經師及弟子對齋告盟二十一日日竟授經盟用素綺碧羅各三十七尺金魚一雙各重一兩以為太上西靈寶禁之科約也此之信物皆當歸奉於太師法師之門以營神靈之公用若私割以自贖貪濫以為利不從天科之約始街大信於盟初者經師七玄之祖拷于北冥之獄永無仙果帶此符之法以朱書白素長三尺以紫錦為囊盛之於心前欲行神祝之時皆當佩之兆佩此符以制天地鬼神驅伐六天之寒靈摧戮九魔之凶惡兆命延長於天地司高仙於太極落靈符於形軀陳威王之大法神官啓拜金兵輔衛水火俱過試觀長絕是故三官北帝莫敢闖其間陳也兆既奉受神文但寶錄朝禮而已不可便佩

帶於人間也若輕泄寶文及宣露威王之名者太上皆已拷毒於七玄之祖見噬於神虎之口兆之魂魄亦即受閉於地獄身命俱滅於水火之罰七百年中乃更化於疣疣之胞施惡癩之疾於九宗之親二師輕舉其人弟子妄受其文者罪亦同此罰也

若升仙之日雷帶豁落神文朝謁上宮以朱書白素七尺長條辟之令廣五寸如水帶之狀以素羅若綠縵一丈四尺為水黃夾亦如符法帶於腰中也所謂鳳文虎帶豁落七元者也若長齋之士朝禮之日皆佩之


豁落符



太微天帝君金虎真符

太微天帝君金虎真符藏于太元上景瓊宮毒獸萬尋擊魔衛經神虎七千備于玉闕西華玉女三百人散香霄庭五老典籍金晨侍真非有瓊鍊玉名刻簡三清者皆不得金虎內符及聞太上之玉篇矣此符本刻于上清玉簡智慧篇中有七十萬言靈音道妙微旨難詳或著天魔隱諱或表萬神內名或釋幽喻疑決于瓊音也小有王君抄出此符及威神內文之法以制天地群靈有一百言耳此祝奇秘名曰三天虎書太元上錄受之者先齋七十日齋金虎玉鈴素錦玄羅各三十尺以為金真之誓盟于天地不宣之約依四極明科聽使七百年中得傳三人太微天帝君金虎玉精真符乃太元上景自然金章之內音也以投命金仙封山召雲威震六天鐵浴萬神太上恒以西靈太甲七十萬人衛符於太微瓊宮佩此符者威制天地呵叱群靈控駕景龍位司高仙瓊音既震則玉華侍側金真衛兵千杖喪眸萬鬼滅形九

魔併首六天摧傾道妙極真神哀五靈左肅
玄童石攝金晨大哉寶文太帝威真豈徒辟
毒樓試滅妖而已乃求仙之妙品得真之標
格



右金虎真符某四太微天帝君以傳金闕帝君朱
書白素請以紫錦囊佩之頭上以行則制命
天地群靈神仙敬服王華散中天丁衛軀山
兵藉精加敷威神之祝玉精之章便得職斬
九魔十妖滅形矣此上清禁符不傳於世得

佩之者飛昇上清

太元上景金真威神內祝以役右神兵斬滅
邪鬼當入室燒香叩齒三十六通坐卧任意
乃祝之曰

辟乾毒王 震捨羅芬 八仙乘鉞 上帝五靈

太玄落景 七晨衛庭 黃真曜符 煥擲火鈴
神虎奮豪 毒鋒亂星 紫勃文儀 四躡仰鳴

九天六天 四天晶品 外纏玄炁 內守師兵

左威右顧 風伐火征 叱斬萬妖 摧馘千精

金天威震 九魔攝形 北鄴摧落 所滅皆傾

我佩真符 役使萬靈 三元告具 玄合帝誠

太微上命 上升三清

太元上景威神內祝之法皆上清之禁經也

辟乾毒王者是六天大鬼之內名也震捨羅

芬者是北帝魔王之隱議也四天晶品者是

北鄴鬼相之鬼名也能知三鬼名者則千妖

竄跡萬鬼匿形九魔真得而動試觀弗得而

陳矣山林獨處及在符廟神鬼之中便可乘

而行事不必燒香入室也

又以雌黃書碧縉長三尺廣一尺二寸亦可

郡方圓一尺二寸也以朱四郭其外并以丹
錦緣廁其裏帶於腰中之右面也若登齋入
室及朝宴八元并制魔王靈驅策神具者便
佩而行事也慎不可瞞見尸穢罪同漏泄七
玄之祖拷于地獄

玉景九天金宵威神王祝太元上經